

三才廣志

廣志卷之八百九十九

御宴

要語

需卦雲上於天需君子以酒食宴樂

詩王燕則諸侯

雜志宮酒以黃帕封故謂之黃封酒

周禮合宴以賢序賓賓由主擇禮也

宴有好貨殮有陪鼎以贈貨如鼎也入有郊勞知也

出有贈賄貨也禮之至也宴以示慈惠

慈惠以布政謂食也定王享士會教烝覲

武子私問其政門見享

王宴有折俎以解節升之於俎物貨可食所

詩鹿鳴宴群臣嘉賓也

古今事實

鎬京之宴

武王詩魚在在藻有頌其首王在在鎬豈樂

飲酒

鹿鳴之宴

成王詩鹿鳴燕羣臣嘉賓也

湛露之宴

成王詩湛露天子燕諸侯也

雒陽宮之宴

高帝置酒雒陽宮上曰通諸侯將皆言其情
吾所以有天下者何項氏之所以失天下何
高起王陵對曰云云上曰張良蕭何韓信三
者皆人傑吾能用之項羽有一范增而不能

用此所以為我禽也羣臣悅服
未央宮之宴

九年淮南王梁王趙王楚王朝未央宮置酒
前殿上奉玉卮為太上皇壽曰始大人常以
臣亡賴不能治產不如仲力今某之業所就
孰與仲多殿上羣臣皆稱萬歲大笑為樂
沛宮之宴

十二年 破布還沛留置酒沛宮悉召故人
文老子第佐酒發沛中兒得百二十人教之
歌酒酣上擊筑自歌曰大風起兮白雲飛揚
威加海內兮歸故鄉安得猛士兮守四方令
兒皆和習之上乃起舞慨傷懷泣數行謂
沛文兄曰蔣子悲故鄉吾雖都關中萬歲之

後吾魂魄猶思沛其以沛為朕湯沐邑

長樂宮之宴

高帝悉去秦儀法為簡易羣臣飲爭功醉或
妄呼拔劔擊柱叔孫通與弟子共起朝儀為
縣叢野外習之會長樂宮成諸侯羣臣朝迺
令羣臣隸習於是皇帝輦出房百官執戟傳
警御史執法卒不如儀者輒引去竟朝置酒
无敢諠譁失禮者帝曰吾乃今日知皇帝之
貴也

賊詩奪錦

唐武后遊龍門命羣臣賦詩先成者賜錦袍
左定東方虬詩先成設拜賜坐未安宋之問
詩復成文理兼美左右莫不稱善乃就奪錦

袍衣之其詞日宿雨霽妖氛流雲度城闕
雨中錫宴

太祖大宴雨暴上不悅趙普奏曰外面百姓正望雨官家大宴何妨只是損得些陳設濕得些樂官衣裳但令雨中作雜劇更可笑此時雨難得百姓快活時正好飲酒宴樂太祖大喜宣令雨中作樂宣勸滿飲盡歡而罷
賜宴問酒價

真宗皇帝嘗曲宴羣臣於太清樓君臣惟笑无間忽問酈活尤住者何處中貴人以實價對之上遽問近臣日唐酒價幾何無能對者惟丁晋公奏日唐酒每斗三百上日安知丁日臣嘗讀杜甫詩速來相就飲一斗恰有三

百青銅錢是知一斗三百上太喜曰甫詩可
為一時之史

誤食釣餌

仁宗朝王安石之門誥一日賞花釣魚宴內
侍各以金堞或釣餌藥置几上安石食之盡
明日謂宰輔曰王安石詐人也使誤食釣餌
一粒則止矣食之盡不情也

賜酒別醉

寇準在中書多召兩制就第飲宴必閉關苛
留之畏謹者其懼李宗諤嘗於門扉下竊出
得馬而走後為修宮賜恩顧漸深一日召至
玉宸殿賜酒宗諤堅辭以醉且云日暮上令
中使附耳語云此中不須從門扉下出

伶人譏賦酒

賞花鈎魚賦詩往往宿製天聖中永興軍進
山水石因命賦山水石歌出於不意多荒惡
者中坐優人入戲各執紙筆若吟詠狀一人
忽仆於石上日數日來作賞花鈎魚詩往備
應制却被這石頭擦倒明日降出詩令中書
銓定內鄙惡者與外任

賜酒

要語

周禮賜頌酒正掌酒之賜酒皆有法以行之
禮記賜爵君若賜之酒即趨席而再拜稽首受
登席祭之飲卒爵而候君卒爵然後受虛爵
古今事實

秩酒

凡有秩酒者以書授之

酺五獻

趙武靈王行賞大赦置酒酺五獻也世家

輔三日

漢文帝賜酺三日

聚會飲食

漢律三人以上無故飲酒罰金四兩故以賜

酺為惠澤令得會聚飲食

賜天酺下

宋初號令猶有漢唐之遺風大中祥符元年

天書降東都酺五日天下三日

飲而遣

五代漢常思在上黨五 唯務聚飲未賞與
賓佐燕會有從事求見思恕曰必是未獵酒
也命典客飲而遣之出續世說

古今事實

漢賜民酺

漢文帝 酺三日賜民得聚會飲酒

召客謝病

卓王孫為具召臨邛 上吉及司馬長卿令
既至日中司馬長卿謝病不能臨 邛令不
敢嘗食貧自迎捐如不已而強往一坐盡傾
約幾不至

灌夫字仲孺嘗有服過丞相蚡蚡從容曰吾
欲與仲孺過魏其 曾仲孺有服夫曰將軍

廼肯幸臨况魏其侯竇嬰夫安敢以服為解
蚡許語天以語嬰嬰與夫人益市牛酒夜洒
掃張具至日中不蚡不來夫廼駕自住迎蚡
蚡特前戲夫殊元意往夫至門分尚卧也蚡
悟謝曰吾醉忘與仲孺言廼駕往卒飲至夜
極驪而云

授轄留實

陳遵字孟公嗜酒每大飲賓客滿堂輒閉門
取客轄投井中倘有急不得去嘗有部刺史
奏事過遵候遵沾醉入見遵母叩白當
對有期會毋乃令從後閣出去遵所到衣冠
懷之唯恐在後時列侯有與遵同姓字者每
至人聞曰陳孟公坐中莫不震動既至而非

因號其曰人陳驚坐云

歌驪駒

王為昌邑王師王以淫亂貳繫獄以城死
論後除博士貳徵來衣博士衣而不冠曰刑
餘之人何宜復充礼官既至令止中會諸
大夫共持酒肉勞貳皆淫意高仰之傳士江
公世為魯詩宗至江公著孝經悅心嫉貳謂
歌吹諸生曰歌驪駒貳曰聞之於師
客歌驪駒主人歌客毋庸歸今日諸君為主
人曰尚早未可也江翁曰經何以言之貳曰
在曲禮江翁曰何徇曲也貳恥之陽醉過反
地貳客罷讓諸生曰我本不欲來諸生強勸
我竟為孺子所辱遂謝克歸

生客常滿

後漢孔蠡為太中大夫職開賓客自盈其門
歎曰坐上客常滿杯中酒不空吾無憂矣與蔡
邕素 邕卒後有虎賁士貌類邕蠡每酒酣
引同坐曰雖無老成人尚有典刑

佯醉取恕

吳虞翻孫權歡宴之未自起行酒伏地佯醉
不持權去翻起坐權大怒手劒欲繫之大司
農劉基救解乃免

召鄒廷技

梁王不悅遊於兔園乃置旨酒命賓友召鄒
生廷救叟

坐無車公

車徧善於賞會當時每有盛集而徧不在皆
曰坐無車公不樂謝安遊集之日輒開延待
之

能飲為所賞

何充字次道能飲酒雅為劉恢所賞每云見
次道飲令人歆傾家釀言其溫克也

擲面而夫

王衍日嘗宴集為族人所恕奉擲其面衍
初無言引王導共載而去然心不能平在車
中攬鏡自照謂導曰爾看吾目光乃在牛背
上矣

酒少不及

王戎與阮籍飲時兖州刺史劉昶字公榮在

坐以酒少不及袒袒無恨色戎異之他日問籍曰彼何如人曰勝公榮則可不與飲若域公榮則不敢不共飲惟公榮可不與飲

罪行酒者

王敦字處仲王導字茂弘敦與導常造王愷愷使美人行酒以客飲不盡輒殺之酒至尊敦所敦固不肯持美人悲懼失色而敦傲然不視導素不能飲恐行酒者得罪遂勉強盡觴導還歎曰處仲當心懷剛忍

飲行觴者

陰鏗爲湘東王參軍與賓友宴飲見行觴者因曰酒炙授之坐客皆笑鏗曰吾儕終日酣酒而執爵者不知其味非人情也及侯景亂

鯁爲賊徐或救之得免鯁問之乃前行觸者
炙執炙者

顧宗與同僚飲宴見執炙者狀貌不凡有欲
炙之色榮割炙啗之坐者問其故榮曰豈有
終日執之而不知其味者乎及趙王倫篡位
以榮爲長史倫敗榮被執將誅而執炙者爲
督率救之得免

至晚無佳設

羊曼拜冊陽尹客來早者並得佳設日宴漸
罄不復及精隨客早晚不問貴賤羊固拜臨
海竟日皆美供雖晚至亦獲盛饌時論以固
之豐華不如曼之真率

回頭避妓

齊王琨性謹慎顏師伯豪貴設女樂要琨傳
酒行矣皆命妓傳行每至琨令至牀上四面
避之然後取罍又如此坐上皆笑

不飲而好賓

梁佯侶不飲酒而好賓遊終日獻酬同其醒
醉

不飲而好觀醉

後周長孫澄雖不飲酒好觀人酬醉常恐生
客請歸敕中厨別進異饌

會十萬緡

郭子儀入朝上命元載王縉魚朝恩等互置
酒於其第一會之費十萬緡

非會公不飲

段秀實非公會不飲

不飲爲惡客

元結以不飲者爲惡客

把酒相歡

裴度字中立治第集賢里野服蕭散與白居易
易劉禹錫爲文把酒窮盡夜相歡不聞人間
事

鋪花爲褥

慎興親交宴花園中聚落花鋪坐曰
吾自有花褥何消具

笏擊姦臣

顧少連裴延令橫无敢忤者嘗與少連會
田鎬第酒酣少挺笏曰段秀實笏擊賊臣

令吾笏將擊姦臣奮且前元交直在坐勸解之

費錦纒頭

開元中富人王元室嘗會賓客明日親交問之曰昨來高會有談元室不文視屋良

誤以醢

唐

唐李景略嘗宴僚佐行酒者誤以醢進判官京兆任迪簡以景略性嚴恐行酒者獲罪強飲之

儉不二美

抑玘曰高侍郎兄第二人俱居清列非速客不二美歲夕食藟藟而已

必來獵酒

五代漢高思在上黨五年唯務聚歛未嘗與
賓佐燕會有從事求見思怒曰必是來獵酒
地命典客飲而遣之

不可屈致

仁宗朝李都尉喜延士大夫盡聲色之樂一
時館閣清流无不往者韓魏公最年少獨未
嘗造焉李數召而公數以事辭人有之者
公曰固欲往但未有名耳公處之不失和李
莫能致怨可時諸公亦不以爲介也

先呈樂語

文潞公丑洛伊川時爲判監一日府會四客
伊川公見任故赴客次見樂人水磨樂語

并詩詞先生訝之曰不須呈看何故如此樂
人曰昨日得太師釣旨明日請程侍講詞曲
並要嚴謹依礼法故先来呈

息從卒宣

文潞公知益州喜遊宴嘗宴鈴轄廨舍夜久
不罷從卒輒折焉廐爲之薪不可禁過軍校
白之庠客栗股公曰天實寒可折與之神色
自若飲如故從卒氣阻无以爲變

閉閤等留

冠準在中書多召兩制就第飲宴必閉閤苛
留之畏慎者甚懼孝宗謂嘗於門扉下竊出
得馬而走
不能強之飲

司馬溫公嘗曰昔與王介甫同爲羣牧司判官包孝肅公爲使時號清嚴一日羣牧司牝冊盛開包公置酒賞之公奉酒以勸光素不飲酒亦強飲介甫終席不飲包公不能強也光以此知其不屈

布衣與執政燕

蘇明允至和間來京師旣爲歐陽文忠所知其名翕然韓忠獻諸公皆待以上客嘗遇重陽忠獻置酒私第惟文忠與一二執政而明允乃以布衣參其間都人以爲異禮

作真率會

范忠宣公純仁判留臺時一時耆舊多在落公與司馬公皆好客而家貧相約爲真率會

貽粟一飲酒教行過從不問一日洛中謬以爲勝事

昔儉今奢

溫公曰先公爲羣牧判官客至未嘗不置酒或三行或五行不過七行酒沽於市果止梨栗棗柿有止於脯醢菜羹器用

當時士

大夫皆然人不相非也會數而禮勤物薄而情厚近日士大夫家酒非肉法果非遠方珍異食非多品器皿非滿案不敢會賓友常教日營聚然後敢發書苟或不然人爭非之以爲鄙吝故不隨俗奢靡者鮮矣嗟乎風俗頹弊如是居位者雖不能禁忍助之乎

酒澆磊隤

王遜問王忱阮籍何如司馬相如忱曰阮籍
宵中磊隤故須澆之言同相如唯酒異
葛巾漉酒

陶潛逢酒熟取頭上葛巾漉之畢還復着之
口唯宜酒飲

謝朓爲吳興與弟綸於征虜者送別朓指綸
曰口北中唯宜飲酒

仙浴酒麈

張開光嘗與母及弟出遊獨留姬守舍俄有
道士敝衣冠疥癬被體直入裸浴酒麈中姬
不能拒既暮出遊歸渴甚聞酒芳烈亟就盎
中飲姬心惡道士不敢白而但不飲居數日
開光與母弟拔宅而去此事與葛洪神仙傳

李八百事略同

醉人見誣

郭肱有才李而輕脫夜出爲醉人所誣太守
罰飲

燕飲

要語夫泰豕爲酒非以爲禍也而獄訟繁則酒之流生禍也是故先王因爲酒礼一猷之礼賓主百拜終日飲酒而不醉焉此先王所以備酒禍爲君子之飲酒也一爵而色灑如也則敬貌二爵而言言斯和敬貌三爵而油油以退悅敬貌礼爲酒食以召鄉黨僚友鄉會公侯燕饗皆姐不躄薦大飲之礼不脫屣而即序者謂之礼跣而上坐者謂之宴能飲者飲之不能飲者已謂之醕齊顏色均衆寡謂之沉閉門不出者謂之涵故君子可以宴可以醕不可以酒厚其樂飲烹羊酒魚斗酒自勞酒後耳熱仰天拊缶今

夕正可談風月重客至矣授館致餼

夢華錄

駕幸臨水殿觀爭標錫宴

駕先幸池之臨水錫燕群臣殿前出水棚排立儀衛近殿水中橫列四綵舟上有諸軍百戲如大旗獅豹掉刀蠻牌神鬼雜劇之類又列兩船皆桡部又有一小船上結小綵樓下有三小門如傀儡棚正對水中桡船上叅軍色進致語桡作綵棚中門開出小木偶人小船子上有一白衣人垂釣後有小童牽棹划船遶遶數回作語桡作釣出活小魚一枚又作桡小船入棚繞有木偶築毬舞旋之類亦各念致語唱和桡作而已謂之水傀儡又有兩畫船上立鞦韆船尾百

戲人上竿左右軍阮虞候監教鼓笛相和又一人上蹯鞦鞦將平駕筋斗擲身入水謂之水鞦鞦水戲呈畢百戲樂船並各鳴鑼鼓動樂舞旗與水傀儡船分兩壁退去有小龍舟二十隻上有緋衣軍士各有五十餘人各設旗鼓銅鑼船頭有一軍校舞旗招引乃虎翼指揮兵級也又有虎頭船十隻上有一錦衣人執小旗立船頭上餘皆著青衣短長項頭巾齊舞掉乃百姓卸在行人也又有飛魚船二隻綠畫間金最爲金巧上有雜絲戲衫五十餘人間列雜色小旗緋傘左右招舞鳴小鑼鼓鐃鐸之類又有鯢魚船二隻止容二人撐划乃獨木爲之人皆進花石朱所進諸小船競詣奧屋牽拽大龍船出詣

水殿其小龍船爭先團轉翔舞迎導于前其虎頭船以繩牽引龍舟大龍船約長三四十丈闊三四丈頭尾鱗鬣皆雕鏤金飾棹版皆退光兩邊列十閣子充閣分歇泊中設御座龍水屏風棹板到底深數尺底上密排錢鑄銀樣如草面大者壓重底不歇則也上有層樓臺觀檻曲安設御座龍頭上人舞旗左右水棚排列六棗宛若飛騰至水殿艤之一邊水殿前至仙橋預以紅旗揮於水中標識地分遠近所謂小龍船列於水殿前東西相向虎頭飛魚等船布在其後如兩陣之勢須臾水殿前水棚上一軍校以紅旗招之龍船各鳴鑼鼓出陣划棹旋轉共爲圓陣謂之旋羅水殿前又以旗招之其船分爲

三名圓陣謂之海眼又以旗招之 隊船相交
互謂之交頭又以旗招之則諸船皆列五殿之
事面對水殿排成行列則有一小船一軍校執
一竿上掛以錦綵銀盃之類謂之標竿插在近
殿水中又見旗招之則 行舟鳴鼓並進捷者
得標則山呼拜舞並虎頭船之類各三次爭標
而止其小船復引大龍船入奧屋內矣

酣飲

要語賓之初筵溫溫其恭其味醉止威儀反反
曰既醉止威儀幡幡舍其生遷屢舞仙仙賓既
醉止載号載呶亂我邁豆屢舞傲傲是日既醉
不知其卸側弁之俄屢舞僬僬賓進醉者墮車
雖疾不死被得全於酒酒若是况全於天乎昔
之飲酒有揖讓而酬酢百拜以爲礼者有呌號
屢舞如沸如羹以爲極者有裸裎袒裼以爲達
者有資絲竹金石之樂以爲和者有以教促針
匙兩爲密者

楊旌酒歲酒客難法度之士譬之於物曰子猶
瓶矣觀瓶之居居井之眉處高臨深動常近危

酒醪不入口藏水滿懷不得左右牽於纏徽一
旦重礪為甕所輻身提黃泉骨肉為泥自用如
此不如鴟鴞夷滑稽腹如大壺晝日盛酒人
復借酤常為國器託於屬車出入兩宮經營公
家繇是言之酒何過乎見陳道傳

王充能飲辦文公飲酒千鍾孔子百觚聖人肯
腹小大與人均等若飲千鍾宜食百牛能飲百
觚則能食十羊使文王身如防風孔子身如長
狄文王孔子率禮之人重譽後世豈千鍾百觚
耶紂車行酒騎行炙二十日為一夜按紂以酒
為池因謂車行酒以肉為林因為騎行炙耳或
是覆酒滂沱於池因以為池釀酒為糟因為丘

懸肉以林因言肉林耳論衡

昔蔡謨贊晉自我蔡酒色无度王公貴人競以
酒色相侈而王愷石崇尤甚愷使美人行勸密
飲不尽輒殺美人崇常夜飲諸少年酒裴綽乘
醉竊卧崇妾中明旦裴家遺車迎綽綽上車馳
請曰吾弟酒狂海内足知足下飲以狂藥而反
責之礼耶崇方慕楷欵交之亦憚其辞乃止其
後渡江諸君家往往尤襲故能紀瞻為尚書置
酒請王道委觀妓瞻受妾能歌新声左僕射護
軍周顗采酒於衆中挑之而不得有司劾顗荒
酒失儀元帝特詔宥焉是時在位盖不以淫酗
為貶如此蔡謨獨好礼自勅嘗諸丞相導導方
作伎設床席謨不悅而去導亦不留客也謨曾
孫廓廓子興宗仍以好礼自勅達於朝雖時淫

暴不敢稍侵妹人稱其家風

劉伶酒德頌有大人先生以天地為一朝萬期
為須臾日月為局牖八荒為庭除居无轍迹行
无室廬幕天席地縱意所如止則操卮執觚動
則挈盞提壺惟酒是務焉知其餘有貴介公子
搢紳处士聞吾風声議其所以乃畜秩櫜襟怒
自切齒陳說礼法是非鋒起先生於是方捧盃
槽御至歎醪奮箕路枕翅簪糟无思无慮其
樂陶然而醉恍爾而醒靜聽不聞雷霆之
声熟視不見之刑不覓寒暑之切肌利欬
之感情俯觀万物擾擾焉若江海之載浮洋二
豪待側焉如螺贏之與螟蛉

由居易酒切讚者建威將軍劉伯倫嘗酒有酒

德頌傳於世唐太子賓客白集天香酒作酒
功讚以維之其詞曰

麦麴之英米泉之 作合為酒厚和產靈厚和
者何濁醪一搏霜天雪夜變寒為溫產靈者何
清醕一酌離人近客轉憂為樂納諸喉舌之內
淳淳泄世醍醐沆瀣沃諸心腑之中熙熙融融
膏澤和風百慮齊息時乃之德万緣皆空時乃
之功吾嘗終日不食終夜不寢以思无益不如
且飲

醉鄉日月凡醉有府宜醉花宜晝襲其光也醉
雪宜夜清其思也醉得宜唱宣其和也醉得
離宜擊鉢壯其紳也醉女人宜謹郎奏筆 畏
其悔也醉俊人宜益觥盃加旗幟助其烈也醉

棲宜暑資其清也醉水宜秋泛其爽也此皆審
其宜以其反此則失徹之人也

醉鄉記醉之鄉去中國不知其幾千且也其土
曠然无涯无丘陵飯險其氣和平一揆无晦朔
寒暑其俗火同无邑居歌落其人甚靖无愛憎
喜怒吸風飲露不食五穀其寢于其行徐徐
鳥獸魚鼈雜处不知有舟車器械之爾昔者黃
帝氏掌獲將其都煇而者然喪其天下以為結
繩之政已薄矣降及堯舜作為千鍾百壹之飲
因姑射神人以假道盖至其辺鄙終身太平禹
湯立法礼繁樂雜數十代與醉鄉隔其臣義和
弃甲子而逃翼臻其鄉失路而道夭故天下遂
不寧至平 孫桀紂怒而昇其階級千仞

南面而望卒不見醉鄉或王得志于世乃令公
旦立酒人氏之職典司五齊拓土七千里僅與
醉鄉達為三十年刑措不用下逮出厲迄乎秦
漢中國喪亂遂與醉鄉絕而臣下之愛道者往
往至焉既嗣宗陶淵明等十數人並存於醉鄉
沒身不返死葬其壤中國以為酒仙云嗟乎醉
鄉氏之俗豈古華胥氏之國乎何以莫溥寂也
如是余將游焉故為之記

送王舍秀才序吾少時讀醉鄉記松恠隱居者
无所累於世而猶有是言豈誠肯於味耶又讀
阮籍陶潛詩然後乃知彼雖偃蹇不欲與世接
然猶未能平其心或為事物是非相感發於是
有託而逃焉者也若顏氏之操瓢與簞曾參歌

聲若出金石彼得聖人而師之汲汲每若不可
及其於外也固不暇尚何翹冀之託而昏且之
逃耶吾又以為悲醉鄉之徒不過也建中初天
子嗣位有意正觀開元之丕績在朝廷之臣爭
言事當此時醉鄉之後世又以直廢吾旣悲醉
鄉之文詞而又嘉良臣之烈思識其子孫令子
之來見我也无所挾吾猶張之况文與行不失
其世守渾然端且厚惜乎吾力不能振之而其
言不見信於世也於是行姑与之飲酒
書東臯子傳後予飲酒終日不過五合天下之
不能飲无在予下者然喜人飲酒見客奉盃徐
引則予肖中為之浩浩焉落落焉酣適之味乃
過於各開居未嘗一日無客客置未嘗不置酒

天下之好飲亦無在予上者常以謂人之至樂莫若身無病而心无憂我則无是二者矣然人之有是者接於予前則予安得全其樂乎故所至常蓄善樂有求者則與之而无喜釀酒以飲客或曰子無病而多蓄藥不飲而多釀酒勞已以為人何也予笑曰病者得藥吾為之体輕飲者困於酒吾為之酣適盖專以自為也東臯子待詔門下省日給酒三升其弟靜問曰待詔樂乎曰待詔何所樂但美醞三升殊可恋耳今嶺南法不禁酒予既得自釀酒用米一斛得酒六斗而南雄廣惠循梅五太守間復以酒遺予略計其所獲殆過於東臯子矣然東臯子自謂五斗先生則日給三升救口不暇安能及客乎若

予者乃日有二升五合入野人道士復中矣東
臯子与仲長子光游好養性服食預刻死日自
為墓誌子益友其人於子載或庶幾焉

飲酒說陶潛云但恐多謬誤君當恕醉人此未
醉時說也若已醉何暇憂誤哉然世人言醉時
是醒時語此最名言張安道飲酒初不言盞數
與刘潜石曼卿飲但言當飲幾日而已歐公盛
年能飲百盞然常為安道所困聖俞亦能百許
盞然醉輒高义手而語弥溫謹此亦知所不足
而勉之非善飲者善飲者淡然与平時无少異
后僕者又何其甚飲一盞而醉醉味与數君何
異亦無所羨耳

古今事實

義和酒淫

義和酒淫廢時亂日徧徃征

以酒為池

紂好酒淫樂戲於沙丘以酒為池以肉為

為長夜之飲百姓怨望

千鍾百榼

昔平君與子高飲強子高酒曰昔有遺諺

堯舜千鍾孔子百斛子路嗑嗑尚飲百榼古

之賢聖無不能飲也吾子何辭焉子高曰以

予所聞聖賢以道德兼人未聞以飲也平原

君曰即如先生言則此言生子高曰生於

嗜酒者蓋其勸勵之辭非然也

孫皓每饗宴光不竟日坐席无能否率以七

升為悞維不悉入口皆澆灌取尽常曜素酒
飲不過二升初見礼異時常為裁減或密賜
茶茗以當酒至於寵衰更見逼強輒以為罪
又於酒後使侍臣難折公卿以朝弄侵尅發
針驗醉醒

刘表設大計於扶端客有酒輒以剗之驗醉
醒也

酒五百斛

吳鄭泉字文淵嗜酒每云願得美酒蒲五百
斛船以四時耳脆置兩頭反覆飲之憊即住
炎肴膳酒有升斗減隨即益之

時中聖人

徐邈字景山仕魏為尚書郎時禁酒而邈私

飲酒醉趙達問以曹事邈曰中聖人達白之
太祖怒鮮于輔進曰醉客謂酒者為聖人濁
者為賢人邈偶醉言耳後文帝幸許昌問邈
曰頗復中聖人否邈曰昔子反斃於穀陽御
叔罰於飲酒臣皆同二子不能自懲時復中
之帝大笑曰名不虛丘

得酒中趣

孟嘉好酣飲愈多不乱桓溫問嘉酒有何好
而卿嗜之嘉曰公未得酒中趣耳

得一老兵

謝奕嘗逼桓溫飲溫走入南康主門避之主
曰君若死狂司馬我何由得相見奕遂携酒
就行事引溫一兵師共飲曰失一老兵得一

老兵亦何所恠溫不之責

劉伶酣醉

劉伶縱酒或脫衣裸形見屋中人見譏之伶
曰我以天地為諫字屋室為禪衣諸君何為
入我禪中常乘鹿車携一瓶酒使人荷甬而
畢卓甕間

畢卓為吏部郎北舍郎釀熟卓夜至甕間盍
飲為掌酒者所縛旦視之乃畢吏部遂引卓
入宴於甕則致醉而去嘗謂人曰給酒蒲敎
百斛四時耳味置兩頭左手持蟹螯右手持
酒盃拍浮酒船中便泥了一生矣

倒着白接羅

山簡字季倫為荊州騎出馬陽也大醉而歸

人歌曰時時能騎馬倒着白接羅

居喪飲酒

阮籍曹母憂在晉文王座進酒肉司隸何曾亦在坐曰明公方以孝理天下而阮籍以重哀顯於公座飲酒食肉宜流之海外以正風教文王曰嗣宗毀頓如此君不能共憂之且有疾而飲酒食肉固喪禮也籍飲噉不輟神色自若步兵校尉缺厨中有貯酒數百斛籍乃求為步兵

騎馬似乘船

阮咸醉騎馬歌傾人皆指而笑曰箇老子騎馬如乘船行波浪中

羣豕共飲

諸阮皆能飲酒咸至宗人間共集不復用杯觴斟的以大盆盛酒圍坐相向更飲時有羣豕來飲其酒咸直接去其上使共飲之

窺狗竇大叫

光逸字孟祖為胡毋輔之所器屬輔之與謝鯉阮放畢卓羊曼栢尋阮孚散髮裸祖閉室耐飲已累日逸將排戶入守者不聽逸便扃戶外脫衣露頂扃狗竇中窺之而大叫輔之驚曰他人決不能爾必我孟祖也遽呼入遂與飲不拾晝夜時人謂之八達

客飲腐脅

晉周顗在北時能飲酒一石及過江雖日醉每稱元對偶有舊對從北來顗欬然出二石

酒共飲各大醉及顗醒使視客已腐骨而死也

墮幘

更歎字子嵩於東海三越生頽然醉墮幘几上

飲人狂藥

長水校尉孫季舒嘗與石崇酣燕慢傲過度崇欲表免之裴楷聞之謂崇曰足下飲人狂藥責人正礼不亦乖乎

醉不廢事

孔顗為江夏內史性便酒每醉輒弥日不醒居常貧罄未嘗關懷為府長史典籤諸事不呼前不敢前不令去不敢去雖醉日居多而一

月二十九日醉勝世人一月二十九日醒也

夫妻嗜酒

沈文季出為吳興太守文季飲酒至五斗妻王氏飲亦至三斗常對食竟日而視事不廢

玉山頽

嵇康醉倒如玉山之將頽

道間酣飲

袁粲為丹陽尹嘗步屨白楊郊野問道過一士大夫便呼與飲酣明日此人謂彼知頻到門下求進粲曰昨飲酒無禍耶相要耳竟不與相見

飲諸將醇酒

晉羊祜鎮荊州每與吳人交兵尅日方戰不為掩襲之計諸將欲進譎詐之策者輒以醇酒使不得言

不如一盃酒

張翰任心自樂不求當世或謂之曰卿乃可縱適一時獨不為身後名耶答曰使我有身後名不如耶時一杯酒時人貴其曠達

被髮裸弔

晉王忱字元達坦之子也性嗜酒一飲連月不醉每日三日不飲便瘡精神不相親婦父常有慘忱乘醉弔之婦父慟哭忱與人連臂被髮裸而見人繞之三匝而出

酒泉太守

晉有羗人桃馥字世芳充鹿園每醉中好言
三者興亡之事當云九酒之水不是以漬麴
麴八藪之木不是以為薪蒸七澤之麋不足
以充庖俎言渴於酒羣輩呼為渴羗武帝授
以朝歌 馥願且為 園時賜以酒以樂餘
年帝曰朝歌紂之舊都地有酒池故便老羗
不復呼渴固辭仙酒泉太守地有清池其味
若酒馥秉醉拜受焉

劇飲不亂

華歆能劇飲至石餘常整其衣冠號曰華獨
坐

將老糟丘

陳暄嗜酒兄子秀致書於暄友與以諷諫暄

聞與秀書曰吾有

餘年汝以飲

酒為非吾以不飲為過若周伯仁渡
日醒吾不以為少鄭康成一飲三百盃吾以
不為多又曰江
議有言酒猶兵也兵可千
日而不用不可一日而不備酒可千日而不
飲不可一飲而不醉美哉江公可與共論酒
矣吾生平所願身沒之後題吾墓曰陳故酒
徒陳君之神道又云何水部眼不識盃當吾
不離瓢杓汝寧與何同日而醒與吾同日而
醉乎速營糟丘吾將老焉

醉謁

顏宋延之以醉謁何尚之尚之望見便陽眠
延之發簾熟視曰朽木難彫尚之謂左右曰

此人醉甚可畏

唯宜飲酒

梁謝朓在齊為吳興守第淪為尚書於征虜
渚送朓指淪口曰此中唯宜飲酒故淪以長
酣為事

驕卒對飲

謝幾卿為宋尚書左丞嘗頂游苑宴不得淩
酒致醉及還因詣道邊酒壚停車褰幔脫衣
換酒與車前驕卒對飲觀者如堵幾卿處之
自若

裸飲遺溺

梁謝幾卿為尚書左丞於省閤裸飲及醉小
遺下露令史為南司所彈幾卿亦不介意

明日對飲

宋謝諲不妄交接有時酌日入吾室者但有
清風對吾飲者唯當明月
大樂有大苦

北齊王絃字師羅為領左右都督文宣與左
右飲酒曰快哉大樂絃曰亦有大若帝曰何
若絃曰長夜荒飲不悟國破是謂大若帝默
然

夜分夾事

崔威累遷陝虢觀察使曰與賓客僚屬痛飲
未嘗醒夜分夾事裁部精明無一毫差吏稱
為神

醉中召見

李白自太白有詔供奉翰林白與酒徒醉于市帝生沉香亭意有感欲得白為樂章召入而不已醉左右以水四嘗侍帝醉使高力士脫靴力士素貴恥之

自誌醉死

唐傳弈病未嘗問醫忽酣臥蹶然曰吾死矣乎即自誌曰傳弈青山白雲人也

劉帕舅遷主客員外郎數過友家飲噓為常執誼所陰劾貶處州參軍

三月可戀

王續其飲至三斗不乱人有以酒邀者無貴賤輒住着五斗先生傳武德中詔徵以揚州六合縣丞待詔門下省時省官例日給良醖三

升君第名爵為武皇千牛謂曰待詔可樂否
君曰吾待詔祿俸殊為蕭瑟但良醖三升
差可惡耳待詔江國公君之故人也聞之曰
三升良醖未足以絆王先生判口結王待詔
一斗時人號為斗酒李士貞觀中以家貧赴
選時太樂有府吏集草家善醖酒冠絕嘗時
君苦求為太樂丞選司以非士職不援君再
三請曰此中有深意且士庶清濁天下所安
不聞莊周避漆園老聃恥柱下卒授馬數月
而焦革死妻袁氏時送美酒釀餘袁又死君
歎曰天乃不令吾飽美酒遂掛冠歸由自是
大樂丞為清流君蒿巾聯牛躬耕東臯稱東
臯子

酣飲取喻

鴻臚孔郡好飲酒王丞相詩云卿桓飲酒不見酒家覆餅布日月久則縻爛郡曰公不見糟中肉乃更堪久

曼卿豪飲

石曼卿喜豪飲與布衣劉潜為友嘗伴海陵潜訪之劇飲中夜酒欲竭有醋斗餘乃傾入酒中併飲之明日酒醋俱盡每與客痛飲露髮跣足著械而坐謂之囚飲坐木杪謂之巢飲以藁束之引首出飲復就束謂之鰲飲以妻間坐

竇卞與王末年接熟卞知深州末年為監押遂至通家既而卞在京師末年求監金耀門

書庫下為干提奉監司楊繪繪遂之既相
親暱永年常置酒延下繪於私室出其妻間
生妻以左右手搗酒飲下繪謂之白玉連花
杯其褻狎如此

呼人與飲

光逸字孟祖為母輔之所器屬輔之典謝
鯤阮放畢卓羊曼桓彝阮字散髮裸袒閉室
酣飲已累日逸排戶入守者聽逸便於
戶外脫衣露頂於狗竇中窺之而大斗輔之
驚曰他人決不能尔必孟祖也遽呼入遂與
飲不捨盡俛時人為之八達

小遺不害

梁謝幾卿為尚書左丞於省閣裸飲及醉小

遺下露令史為南司彈幾卿亦不介意

濡首

有孚于飲濡其首

酣身

其後嗣至酣身出無速

伐德

既醉止威儀忸忸 曰既醉不知其秩賓既

醉止載號載呶亂我籩豆屢舞 是日是

曰既醉不知其慙并側之 屢舞傴僂既醉

而出并受其福醉而不出是謂伐德出詩

酣舞

敢有酣舞于宮酣歌于室

醉富

彼昏不知壹醉日富

酒淫

義知酒淫廢時亂日

沈酗

其弗或亂正四方我祖底遂陳于上用沈酗
于酒用亂敗厥德于下微子一秦誓

一鼓西飲

殷紂為酒池糟丘一鼓而坐飲者三千人

一石亦醉

淳于髡臣一斗亦醉一石亦醉滑稽傳

醉嘔車中

丙吉為丞相御史醉嘔其中吉不責出本

傳

盜飲甕中

畢車為吏部北舍郎釀酒熟卓醉後夜至甕下盜飲之掌酒者縛之明旦乃畢吏部

二石共飲

周顥在朝能飲一石及過江每杯無對偶有舊對從北來顥出二石酒共飲各醉及顥醒客已腐脅死矣

則弁

則弁之俄

墮車

醉人墮車雖病不死其骨節與人同其犯難與人異莊子

取露醉

陳導與客飲投轄井中取其雷醉

不敢醉

劉寬字文饒於上前被酒睡上曰太尉醉邪對曰臣不敢醉但憂心如醉也

弔婦父

王悅元達恃才縱酒婦父有慘悅乘醉弔之婦父慟哭賓客連臂被髮裸身而入統之三匝而出

中聖人

徐邈字景山仕魏為尚書郎時禁酒而邈私飲兄啟趙達問以曹事曰中聖人達曰之太祖怒解于輔進曰醉客謂酒清者為聖人濁者為賢人邈偶醉言耳後文帝幸許昌問邈

曰復中聖人否邈曰昔子夏斃於穀陽御叔罰於飲酒臣嘗同二子不能自懲時復之帝大笑曰名不虛立

以醉死

傳奕自誌曰奕青中山雲人也以醉死此

道樞醉謁

獨孤用晦為中丞相御史李道樞醉謁用晦用晦劾不度下除司議郎

居易醉吟

白居易自號醉吟先生為之傳

以水頰面

李白有詔供奉翰林白與飲徒醉於市帝坐沉香亭意有感欲得白為樂章召人而白已

醉左右以水額面

以頭濡黑

張旭蘇州人嗜酒每大醉呼呌狂走乃下筆或以頭濡黑而盡既醒自視以為神不可復得也世呼神顛

人觀醉瑞

唐德宗播遷人多乏食無讓酒者後京師稍寧有一人醉衆觀以醉人為詳瑞

人放醉粧

後蜀王衍後宮皆戴金蓮花冠酒酣免冠其髻髻然更施朱粉號醉粧國中人皆放之

解醒具

李嗣業入朝賜酒玄宗前醉舞帝寵之賜綵

百金四五十物錢十萬曰為解醒具

聚酒積麴

子產有兄曰公孫朝好酒朝之室也聚酒千
鍾積麴成封糟漿之氣逆於人方其荒於
酒也不知世道之安危人理之悔手

滅燭牽衣

平原君夜飲燭滅客牽美衣人美人絕其纓
密室夜飲

鄭伯有嗜酒為密室壑谷夜飲而繫鍾為子晉
所焚

未卜其夜

桓公樂飲以火繼之敬仲辭曰臣卜其晝未
卜其夜

進熱啜

趙襄子與代王飲陰告厨人曰即酒酣樂進熱啜

能飲一石

威王問淳于髡曰先生能飲幾何而醉髡曰賜酒大王之前執法在旁御史在後恐慎俯伏不過一斗徑醉矣若親有叢客奉觴上壽不過二斗若朋友交遊久不相見卒然相睹歡然道故私情相飲可五六斗若乃閭之會男女離坐六博投壺相引為曹握手無罰目眙不禁此可飲八斗日暮酒闌合尊促席男女同席舄履交錯堂上燭滅主留髡而送客羅襦襟解微聞薌澤此當之時髡心最歡

能飲一石故曰酒極則亂樂極則悲以諷諫焉齊王曰善乃罷長夜之飲

日飲無飲

漢爰盎迂吳相盎兄子種謂曰吳王驕日久國多奸今絲歆刻治彼不上書告君則利劍刺君矣南方卑濕絲能日飲亡何說王毋支而已如此幸得脫盎用其計吳王厚遇盎吏舍歌呼

蕭何為相擇郡國吏謹厚者即召除為丞相吏吏言女深歆務声名輒斥去之曰夜飲酒卿大夫以下吏乃賓客見參不事事來者皆歆有言至者參輒飲以醉酒度之歆有言復歆酒醉而後去終莫得聞說相舍

後園近吏舍吏舍日飲歌呼從吏惠之無如
何迺請參子窋為中大夫惠帝恠參不治事
謂窋曰女婦誠從容問乃父曰君為相因日
飲無所請事何以憂天下窋歸而諫參參怒
而笞之至朝帝讓參參免冠謝曰高帝與何
定天下法令既明具陛下禹拱參等守職遵
而勿失不可亦乎帝曰善君休矣

灌夫罵座

漢田蚡為丞相娶燕王女為夫人詔宗室列
侯皆往賀魏其侯竇嬰欲與灌夫俱夫謝曰
夫數以酒失過丞相丞相今者與夫有隙嬰
強與俱酒酣蚡起為坐皆避席伏已嬰為
壽獨故人避席余半膝席夫行酒至蚡蚡膝

席曰不能蒲觴夫怒因嬉笑曰將軍貴人也
畢之蚡不肯行酒至臨汝侯灌賢賢萬與程
不識耳語又不避席夫怒罵曰平生毀程不
識不直一錢今有長者為壽迺欲効兒女曹
咕囁耳語蚡曰程李俱東西宮衛尉令衆季
程將軍仲孺獨不為李將軍地乎夫曰今日
斬頭冗句何如程李蚡怒曰此吾驕灌人罪
也籍福起按夫項令謝夫愈怒不肯順蚡呂
長史曰今日召宗室有詔刻灌夫罵坐不敬
得棄市罪

以醉失儀

東方朔嘗醉入殿中小遺殿上刻大不敬竟
為庶人張安世為光祿勳郎有醉小便殿上

主事白行法安世曰何以知其非天水隸耶
其掩人過如此

使酒難近

季布為河東守孝文時人言其賢者孝文召
復有言其勇使酒難近至留郎一月見罷

醉歸廢事

陳遵日出醉歸曹事數廢西曹以故事適之
侍曹詣寺舍白遵遵曰蒲百乃相聞以故事
有百適者斥

吐污車茵

丙吉字少卿馭吏嗜酒嘗從吉出醉嘔丞相
車上西曹主吏曰欲斥之吉曰以醉飽之失
去士使此人將復何所容西曹地但忍之此

不過汚丞相車茵耳

次公酒狂

平恩使許伯入第丞相御史將軍中二千石
皆賀蓋寬饒不行許不請之乃往從而皆上
東鄉特坐許伯自酌曰蓋君後至寬饒曰無
多酌我我洒酒狂丞相魏使笑曰次公醒而
狂何必酒也坐者皆屬目卑之下酒酣樂作
長信少府檀長卿起舞為沐猴與狗聞坐皆
大笑寬饒不悅仰視屋而歎曰美哉然富貴
元常忽則易人此如傳舍所悅多矣唯謹慎
為得又君侯可不戒哉因起趨出刻奏長信
少府以列卿而沐猴舞失礼不敬上欲罪少
府許伯為謝良大上通鮮

裸袒而飲

孝靈未常侍張讓子奉為太醫令與人飲酒輒去衣露形為戲樂典論洛陽令郭珍家臣億每召客侍婢數十盛裝節羅敕披之裸袒其中使進酒以聖賢命召

魏太祖時禁酒人竊飲之故難言酒以白酒為聖人清酒為賢人

醉後欲殺

孫權既為吳主歡宴之末自起行酒虞翻伏地佯醉不起權大怒手拔劍欲繫之刘基挹權諫翻由是得免權因勅自今酒後言殺皆不得殺也

強使多飲

戒飲

要語越庶國飲唯祀德將無醉酒古礼也奉祭祀會賓親製葉餌礼有不可缺者用之有時飲之有度豈可以為常而不知節哉礼經賓主百拜而酒三行者皆重其道而不容輕故耳豈令人浮沉於其中乎予家祖父處世養生惟務淡薄皆享年八九十上下予自幼年性喜恬退今又七十餘矣飲酒止一二盞纔夜即睡明早即起居常既罕病且康健亦自知節戒之功然也人生天地間貧賤多貴而富豈易得哉倘能戒夜飲順陰陽正寤寐保精氣使一身神識安寧百邪不侵安享天年豈不幸歟好生君子審而

察之

庾闡斷酒誠蓋神明知惠人之所以靈也好惡情欲人之所以生也明智運於常涯好欲安於自然吾以知窮智之害性任欲之喪貞於是推金壘碎玉椀破兕觥捐觚瓚

魏王肅家誠夫酒所以行禮養性命歡樂也過則為患不可不慎是故賓主百拜終日飲酒而不得醉先王所以避酒禍也凡為主人客使有酒色而已無使至醉若為人所強必退席長跪稱父戒以辭之敬仲辭君而兕於人乎為客又不得喝造酒史也若為人所屬下生行酒隨其多少犯令行罰示有酒而已無使多也禍變之與常於此作所宜深慎

皮日休酒箴皮子性嗜酒雖行止窮泰非酒不能適居襄陽之鹿門山以山稅之餘繼日而釀終年荒醉自戲曰醉士居襄陽之洞湖以船載醕酎一甌往來湖上遇吳將酌因自諧曰酒民於戲吾性至荒而嗜於此其亦為聖哲之罪人也又自戲曰醉士自諧曰酒民將天地至廣不能害醉士酒民哉又何必廁絲竹之筵粉黛之座也襄陽元候聞醉士酒民之稱訂皮子曰子耽飲之性於喧靜豈異耶皮子曰酒之道豈止於充口腹樂悲歡而已哉甚則化上為淫溺化下為凶醜是以聖人節之以酬酢喻之以然尚有上為淫溺所化化為亡國下為凶醜所化化為殺且不見前世之飲禍耶路鄭舒

有五罪其一嗜酒為音所殺慶封骨內而馳飲
則因朝遷鄭伯窟室而耽酒終奔於駟氏之甲
樂高嗜酒而信內卒敗於陳鮑氏衛候飲于籍
圃卒為大夫所惡嗚呼吾不賢者性實嗜酒尚
慎為鄆舒之僂過以吾不為也又焉得俾宣為
靜乎俾靜為宣乎不為靜中淫溺乎不為醢禍
之波乎既淫溺醢禍作於心得不為慶封乎鄭
伯乎樂高乎衛候乎蓋中性不能自節因箴以
自符箴曰酒之所樂樂其全貞寧能我醉不醉
於人

古今事實

不以淫繼

陳公子完奔齊桓公使為正卿乱使為二正

飲桓公酒樂公曰以大繼之辭曰臣下其昼
未卜其夜不敢君子曰酒以成礼不斷以淫
出以君成礼弗納於淫仁也

以廢業斷

邴原舊能飲酒自行八九年酒不向口至陳
留師韓子臨歸師友以原不飲酒陳仲弓范
仲博盧子幹會米内送原原曰本能飲但以
荒思廢業斷之今遠別可尽飲終日不醉
諫君戒酒

晋元帝頗以酒廢事王導以為言帝命酌
觴覆之於此遂

亡親戒酒

陶侃每飲酒有定限常歡有餘而限已竭成

歡更少進侃倭帳良久曰年少曾有酒失亡
親見納故不敢喻

醉輒自責

庾袞叔袞父在常賊袞以酒後每醉輒自責
曰余廢先人之戒何以訓人乃於墓前自挾
二十

臨戒別

諸葛樂與管輅別戒以二言卿性樂酒雖溫
克然不可寧當節之卿有水鏡之才所見
者妙禍如膏火可不慎持卿散才以游於雲
漢之間不憂不富貴也輅言酒不可極才不
可盡吾欲持酒以礼持才以遇何患之有邪
告新莫飲

劉玄明為山陰令告新尹傅勰曰作縣難日
食一日飯莫飲酒為第一策

覆瓿布欄

孔群性嗜酒遵掌戒之曰卿嘗飲不見酒家
覆瓿布日月久糜爛荅曰公不見肉糟更淹
堪久耶

忍斷杯中物

吳衍好飲酒後醉詬權貴遂戒飲阮宣命飲
衍曰近斷飲宣以歐其背曰看看老癡癡
漢忍斷杯中物耶抑而飲之

因酒星

衛元規酒後忤僕射以書謝曰自茲因酒
星於天猷焚醉於秦坑

刘伶嘗渴甚求酒於其妻妻猶酒毀器涕泣
諫曰君酒太過攝生之道必宜斷之伶曰善
吾不能自禁惟祝鬼神自誓耳便可具酒
肉妻後來伶跪祝曰天生刘伶以酒為名一
飲一石五斗解醒婦人之言其不可聽仍引
酒御肉塊然復醉

欲言即飲

唐陽城為諫議大夫八年未肯去方日夜劇
飲客欲諫止者城揣知其情強飲客客辭即
自引滿客不得已與酬酢或醉仆席中先
醉臥客懷中不能聽客語

帝戒其飲

石延年字曼卿真宗曰朕知卿有才久矣但聞卿好酒恐醉不能了事延年曰臣非好飲酒盖以自釋耳然臣雖醉其於臨事愈於不醉之人

友戒其飲

張文忠公喜酒飲量過人既登第通判濟州日飲醇酎往往至醉是時太夫人年已高頗憂之一日山東賈存道先生過濟文忠館之數日先生愛文忠之慮其以酒廢事生疾乃為詩示文忠曰聖君恩重龍頭選慈母年高鶴髮垂君寵母恩俱未報酒如成病悔何追文忠矍然起謝之自是非親客不對酒終身未嘗至醉

屈原獨醒

屈原曰衆人皆醉我獨醒

田蚡辭滿

田蚡辭不能滿觴灌夫恕

楊東不惑

楊東叔節三不惑酒色財

王肅家戒

夫酒所以行礼養性命歡樂也過則為患不可不慎是故賓主百拜終日飲酒而不得醉先生可以避酒禍也凡為主人飲客使酒色而已無使至醉者為人所強必退席長跪稱父戒以辭之敬仲辭君而兄於人乎為客又不得唱造酒史也若為人所屬下坐行酒隨

其多少 令行罰示有酒而已無使多也禍變
之興常於此作所宜深慎

庾闡斷酒戒

蓋神明智惠人之所以生也明智運於常涯
好欲安於自然吾以知窮智之害性任欲之
喪真於是椎金寶碎玉椀破兕觥損觚瓚
不能戒

古今事實

不見糟肉

孔羣性嗜酒導尊戒之曰卿嘗飲不見酒家
覆瓿布日月久糜爛和春曰公不見糟肉淹
更堪久和

以歐攀背

吳衍好飲後醉詬擯責遂戒飲而宣命飲衍
日近斷飲宣以奉歐皆曰看看老癯 漢思
斷杯中物邪抑而飲之

客諫不聽

唐陽城為諫議大夫八年未肯去方行夜劇
飲客欲諫止者城揣知其情強飲客客辭即
自引滿客不得已與酬酢或醉什席中或先
醉卧客懷中不聽客語

蓋以自釋

石延年字曼卿真宗曰朕知卿有才矣但聞
卿好飲酒恐醉不了事延年曰臣非飲酒蓋
以自釋耳然臣雖醉其臨事愈於不醉之人
未嘗至醉

張文忠公喜酒飲量過人既登第通判濟州
日飲醅酎往往至醉是時太夫人年已高頗
憂之一日山東賈存道先生過齊文忠館之
數日先生愛文忠之賢慮其以酒廢事生疾
乃為詩示文忠之賢君思重龍頭選慈母年
高鶴髮重君寵母恩俱未報酒如成病悔何
追文忠矍然而謝自是非親客不對酒終身
未嘗至醉

強飲

要語

孟子惡醉強飲而今惡死亡而樂不仁是猶醉
而樂飲醉

古今事實

自迎相如

卓王孫為具召臨邛令王吉又司馬長卿令
既至日中司馬長卿謝病不能臨臨邛令不
敢嘗食身自迎相如不得已而強往一生盡
傾

自迎蚡田

灌夫字仲孺嘗有服過丞相蚡蚡從容曰吾
欲與仲孺過魏其候會仲孺有服夫曰將軍
乃肯幸臨魏其候夫安敢以服為解蚡許諾
夫以語嬰嬰與夫人益市牛酒夜洒掃張具
至日中蚡不來嬰未夫迺駕自往迎蚡蚡特
前許戲夫殊無意往夫至門蚡尚卧也蚡悟
謝曰吾醉忘與仲孺言迺駕往飲至夜極驩

而去

諸生強我

式為昌邑王師王以淫亂式繫獄以減死論
後除博士式徵來博士衣而不冠曰刑餘之
人何宜復充礼官既至令止舍中會諸大夫
共持酒肉勞式皆注意高仰之博士江公世
為魯詩宗至江著李經說必病式謂歌吹諸
生日歌驪駒式曰聞之於師客欲驪駒主人
歌客毋容今日請君為主人曰尚早未可也
江曰經何以言之式曰在曲礼江翁曰何何
曲也式恥之陽醉過地式客罷讓諸生日我
本不欲來諸生強勸我敬為孺子所辱遂謝
免歸

王導強盡

王敦字處仲王導字茂弘敦與導嘗造周顗顗使美人行客以客飲不盡輒殺之酒至導敦所敦固不肯持美人悲懼失色而敦然傲不視導素不能飲遂勉強盡觴導還歎曰處仲若當世心懷剛忍非令終也

逼桓溫飲

謝弈嘗逼桓溫飲溫走入南康主曰君若无狂司馬我何由得相見弈遂携酒就廳事引溫一兵帥共飲曰失一老兵亦何所怪溫不知責出本傳

逼常曜飲

孫浩每饗宴不竟日坐席無能否率以七升

為限雖不悉入口皆澆灌取盡常曜素飲酒
不過二升初見礼異時常裁減或密賜茶茗
以當酒至於寵奉褒更見常強輒以為罪又
於酒後使侍臣難折公卿以嘲弄侵剋發擿
私短為歡笑吾志

迪簡強飲

唐李景略嘗宴僚佐行酒誤以醢進判官京
兆任迪簡以景略性嚴恐行酒者獲罪強飲
之也

溫公強飲

司馬溫公嘗曰昔與王介甫同為羣牧司判
官包孝肅公為使時號清嚴一日群牧司牝
冊盛開包公置酒嘗之公奉酒相勸光素不

飲酒亦溫公介甫終席不飲也公不能強也
光以此知其不屈聞見錄

真率

古今事實

野人坐班

陶元亮雖嗜酒家貧不能常飲而況必飲美
酒乎其所與飲多田樵漁之林間所

以奉身而悅口腹者蓋略以出漁樵叢話

田父泥飲

杜甫結廬成都花嶼田畯野老相狎蕩

田父泥飲

日晏漸罄

羊曼拜為冊陽尹客早者並得佳設日晏

漸罄不復益隨客早晚不聞貴賤羊固拜臨
海尹兢日皆美供雖晚至亦獲盛饌論以固
之豐華不如曼之貞率

過從不間

時范忠宣公純仁判留臺一時耆舊多在洛
與司馬公皆好客而家貧相約為貞率會脫
粟飲酒數行過從不間一日洛中誇為盛
事行狀

沽酒

要語

詩無酒我

古今事實

沽酒不食

孔子沽酒市脯不食

初榷酒酤

漢武天漢二年初榷酒酤

開廬賣酒

王莽時魯庚言請法古今作酒開廬以賣

當廬滌器

司馬相如與卓文君臨邛賣酒舍文君當廬

相如與傭保雜作滌器

賣傭酒家

栾布賣傭於齊為酒家保

叱奴沽酒

劉寬嘗生客遣蒼頭市酒送久大醉而还客不堪之罵曰畜產寬須臾遣人視奴疑必醉

自殺顧左右曰此人也罵言畜產辱孰甚焉
故吾慎其死也

千文一斗

孝靈末百司酒酒千文一斗

欠人酒債

孫 懽之叔也嗜酒不治產業常醉屢欠酒
緡人皆笑之濟怙然自 謂人曰尋常行坐
處欠人酒債欲貨其緡袍償之

賒酒約還

吳潘 字文章性傳蕩嗜酒居貧好賒酤債
家至門輒言後債當還

扶頭掛錢

阮宣常步行以百錢挂扶頭至酒店便獨酣

暢雖當世富貴而不肯顧家無石之儲宴如也

醉鄰婦側

阮公憐家婦有美色當廬酤酒阮與王安豐常從婦飲酒既醉使眠婦側不疑之伺察終無他意

金貂換酒

阮為當侍以金貂換酒為有司所彈賀知章一見李白呼為謫仙人以金龜換酒與之共飲

悉送酒客

劉延之與淵明情款延之為始安郡經過臨去留三萬錢與淵明淵明為送酒家稍宜取酒

唐陽城為諫議大夫每約二第吾所俸入而可度食未幾得薪菜鹽幾錢先具之餘悉送酒家無留也

過黃公壚

王戒為尚書令着公服過黃公壚謂後車客曰吾昔與嵇叔夜阮嗣宗酣暢於此壚自嵇阮亡以來便為時所羈酤今視此雖近邈若山河

受酒酤賣

後魏鄭羲為西兗州刺史多所受納政以賄成性又蠶嵒人有禮餉者與盃酒肉西門受羊酒東門酤賣之

停車詣酒壚

齊謝幾卿性通脫為尚書左丞嘗預集遊苑
宴不得醉而還詣道邊酒壚停車褰幔與車
前三騶對飲觀者如堵幾卿自若

命酒獨酌

馬周字賓王舍新豐逆旅主人不之顧周命
酒一斗八升悠然獨酌衆異之

飲于市肆

仁宗在東宮魯簡甫公宗道為諭德一日真
宗急召公將有所問使者乃門而公不在移
時乃自仁和肆中飲歸中使遽入白乃與公
約曰上恠公來遲當託何事以對公曰但以
實告曰然則當得罪公曰飲酒人之常情欺
君臣子之大罪中使嗟難而去真宗果問使

者具如公對真宗問卿何故私入酒家公謝
曰臣家貧無无器皿酒肆百物具備賓至如
歸適有鄉里親客自遠來遂與之飲然臣既
易服市人亦無識臣者仁宗卿為宮臣恐
為御史所彈然自此奇公以為忠實可大用
貫酒

古今事實

折券弃責

漢高帝為酒上亭長好酒及色常從王媪武
負貫酒醉卧武負王媪見其常自龍恠之高
祖每酤留飲酒讐數倍及見恠歲竟此兩家
常折券弃責出本紀

貨泡償欠

孫濟權之叔也嗜酒不治產業常酣屢欠酒
緡人皆之濟恬然自謂人曰尋常行生處
欠人酒償欲貨其緡袍償之

債家至門

吳潘璋字文章性博蕩嗜酒居貧好賒酤債
家至門輒言從豪當還

罰飲

要語凡此飲酒或醉或否既立之監或佐之史
被醉不減不醉反恥式勿後謂无俾太怠匪言
勿言匪由勿語由醉之言俾出童幾三爵不職
矧敢多又

古今事實

揖遜而飲

子曰君子無所爭必也射乎揖遜而與下而飲其爭也君子

揚觶而酌

智悼子卒未葬晉平公飲酒師曠李調侍鼓鍾杜蕢入寢酌曰曠飲斯又酌曰調飲斯又酌堂上比面而飲之降趨而出平公呼而進之曰蕢曩者尔心或開予是以不與尔言尔飲曠何也曰子卯不樂紂以甲子死桀以乙卯亡王者謂之疾日

不以奉樂所以自戒懼

知悼子在堂斯其為子卯也

大也

言大臣喪於疾日也

曠也大師也不以詔是以

飲之也

師曲奏樂

尔飲調何也曰調也君之蕢臣以

魯酒易趙厚酒故楚圍邯鄲出莊子

也為一飲一食忘君之疾是以飲之也尔飲

何也曰蕢也宰夫也非刀匕是兵又敢與知防是以飲之也分曰寡人亦有過焉酌而飲寡人杜蕢洗而揚觶公曰如我死則必无廢斯爵也遂謂之杜牽

浮以太白

魏文侯與大夫飲使公乘不仁為觴政曰飲者不尽浮之太白文侯不尽公不仁牽白浮也君

司正實爵

晉獻公飲大夫酒令司正實爵與史蘇曰驪役汝言勝而不吉夫剋國得妃吉敦大為故罰汝

朱虛軍法

諸呂擅權用事朱虛侯章嘗入侍燕高后令
為酒吏章曰臣將種請以軍法行酒諸呂有
一人亡酒章追斬之還報左右皆大驚頃之
目是諸呂憚之

笑受而飲

崔陽字重易李逢吉當國畏裴度復相使京
兆尹刘栖楚等十飲人悉力根却之雖雖度
門下賓客皆有去就意他日度置酒延客栖
楚曲意自解諫耳語咸疾其矯率酒讓度曰
丞相乃許所由官聶需耳語願上罰爵度笑
受而飲棲楚不自安趨出坐上莫不壯之

觥其觥

兒觥其觥出詩

饋其不敬

饋其不敬者出周禮

公秉觴政

魏文侯與大夫飲酒使公秉不仁為觴政曰
飲若不盡浮之太白文侯不盡觴政不仁為
奉出白浮君也說苑

送酒

要語何以贈之清酒百壺

古今事實

載酒問字

揚雄家貧嗜酒人希至其門時有好事者載

酒有問奇字

投醪飲河

昔者良將周兵人有饋一罇醪者使投之於河令將士迎汜而飲之夫罇醪不能味一河水三軍思為之死非滋味及之也

半道送酒

江州刺史王弘欲識淵明而不能致淵明嘗往廬山弘命淵明故人寵通之責酒具於半道栗里之間邀之淵明有脚疾使一門生二兒率監輿既至欣然便共飲酌俄頃弘至亦无迂也

餉酒易水

晉孔嚴祖父弈為全椒令明察過人時有遺其酒者始人門弈遙曰餉吾西甕酒其一何故非也檢視之果是水或問何以知
日

酒重水輕提酒者手有輕重之異故耳
求酒送漉

質在盱眙魏太武自廣陵還就質求酒
質封漉便與之犬
甚攻
三句不下乃
去

嗜酒自娛

唐元德秀罷魯山令愛陸渾佳山水乃定居
不為嚙垣
尤僕妾歲飢或不爨嗜酒陶
然彈琴自誤人以酒肴從之不問賢鄙為酣
飲

詐稱飲酒

李泌以虛誕自任嘗對客曰令家人速洒掃
今夜洪崖先生來有遺美酒會有客至乃曰

麻姑送酒來與君同傾未畢門者曰某侍郎
取榼子必命倒還略無昨色

獻酒

楚宣王會諸侯魯共公後至而酒薄宣王怒
共公曰我周公之胤長於諸侯行天子禮樂
勲在周室我送酒已失禮方責其薄無乃太
其遂不辭而還宣王怒乃發兵與齊攻事相
因亦是感應也一日魯趙俱獻酒於楚酒吏
詰問肫笑曰張公契酒李公醉者肫是也太
中令作張公契酒李公醉賦肫云事有何不
測人當防未然何張公之飲也乃老一之醉
焉清河夫人方肆杯盤之樂隴西公子俄遭
酩酊之衍字突而釋之